

INTERLOKUZIOA

«Gobernuek ez dute konponketaren alde urratsik egin nahi, beraien interlokuzio gaitasuna inoizko txikiena da»

EAJ ETA EA

«Eraikuntza nazionalaren bidean duela hiru urte urrats garrantzitsua egin eta gero, berriro inboluzio autonomistan daude»

EZKER ABERTZALEA

«PNV eta Eak agendatik ezabatu dute. Eta mapa politikotik ezabatzeko kolaborazio maila handia erakusten ari dira»

– Espainiako Erresumako Gobernuak eta Frantziako Errepublikako Gobernuak onartu dute Euskal Herriko biztanleriari dagokiola, bi aldeek akordioaren ondorioz, bere autodeterminazio eskubidea gauzatzea, honen oinarrian iparraldean eta hegoaldean, borondatez eta aldi berean emandako onespena egongo litzatekeelarik. Eta azpimarratzen dute beraientzat ondorioa izan duen betebehargisa, azaldutako hori guztia egia bihurtzeko araudia martxan jarriko dutela eta aldi berean, neurriak hartuko dituztela Euskal Herrian bizi den gizarteak kanpoko eragozpenik gabe aukeratzeko ahalmen askea izan dezan.

Zer dira pasarteok? ETAK 1995ean argitaratu emandako 'Alternatiba Demokratikoa' oinarritzat hartuz idatzitako testuak izan litezke. Baina zehazki hauxe da: 1993ko Abenduan izenpetutako Downing Streeteko deklarazioaren izenez eza-gutuz den testuaren moldaketa. Moldaketa xumea: Irlanda jartzen zuen lekuan Euskal Herria jarri dugu, eta Erresuma Batua, Britainia Handia edo Gobernu britainiarrak bere ardura erakusten zuen lekuan Espainia eta Frantziaren ardurak ezarri ditugu.

Zer dira pasarteok ere? EB-Bren izenean Xabier Arzalluzek eta Joseba Egibarrek Aznarren Gobernuari joan den Urriaren 30ean prentsaurreko publikoan irakurri zizkioten pasarteak ere badira.

Pasarteok inori aurpegiratu beharrean, PNVk gatazka honetan egiten duen lanari buruz aritu beharko litzateke. Gataz-

karen luzapena eta Euskal Herriaren zatiketa bermatu zuen Estatutu baten hogeita bigarren urteurrena bete denean beren burukideek honakoak botatzeko adinako kopeta eta zinismoa badute-eta: «gure Herriak duen arazoa ez da konpontzen aste-buru batean» (Gerenabarrena). Eta arazoa konpontzeko formula berria topatu ei dute, gure herriak bere askatasuna nola lortuko duen galdegiten zaienean honela erantzuten dute: «Euskal gizarteak amaituko du ETA». Hori al zen guztia? Ez, zeren formula hori aplikatzeko metodo berria ere aurkitu dute: «euskal herritarrek guardia zibilarekin kolaboratu dezatela» (Imaz)!

Eta bitartean, lan munduan, irakaskuntza munduan, euskararen aurka, erasoak erasoen gainera, euskal herritarrek bahitzen dituzte, Espainiak eta Frantziak beren legeak aldatu eta zangopilatu egiten dituzte Euskal Herriaren alde borrokan ari direnen aurka egiteko. Eta horixe da PNVri bururatu zaiona: euskal gizarteak amaituko duela ETA.

Euskal Herriaren eskubide demokratikoak errespetatzetik etorriko da askatasuna. PP, PSOE, RPR eta PSFren inbibilismoa gatazkaren aldeko apustua da; eta PNV, EA eta IUk babestutako Ibarretxeren gaur egungo egoeraren bertsio berriak egitea ere gatazka luzatzearen aldeko apustua egitea da. Honela zioen Juan Jose Ibarretxek urriaren 30ean: «El Estatuto tiene capacidad dentro de sí mismo para establecer un modelo que nos permita convivir a Euskadi y España». Bere abertzale, demokrata eta pertsona gisako iruzurrean jarraitzen du lotsagabe.

Ezker abertzaleak du Euskal Herriarentzat egoera demokratikoa ekartzearen ardura nagusia. Egoera demokratikoa ez da ezker abertzalearen proiektu politikoaren inposaketa, baizik eta norberak bere ideiak berdintasunean defendatu eta bere proiektua egia bihurtzeko aukera izan dezan moduko egoera. Gaurko proiektu franko-espainiarraren inposaketa gainditzeara da egoera demokratikoa eskuratzeara gure herriarentzat.

ETAn Euskal Herriaren alde guztia emateko prestutasunez ari garen euskal herritarrok, berriro ere, gure herriaren eskubide demokratikoen alde borrokan jarraitzeko gure konpromisoa agertzearekin batera, gure herriaren eraikuntzan ari diren herritar eta antolakundeei lan horretan jarraitzeko adorea eman nahi diegu.

**Euskal Herrian, 2001eko
Azaroaren 9an
Euskadi Ta Askatasuna
E.T.A.**

Zure aisialdirako gida

Eguneko agenda osatzeko behar duzun informazio guztia:

- Antzerkia
- Bertsolaritza
- Mahai-inguruak
- Festak
- Irteerak
- Zinema
- Dantza
- Erakusketak
- Bideoak
- Ikastaroak
- Lehiaketak
- Musika



www.Egunkaria.com/agenda